



Sindikat policijskih službenika Federalne uprave policije

Broj : 28/24

Datum : 29.01.2024. godine.

NADZORNI ODBOR SINDIKATA
N/r predsjednika gosp. Milić Ivica

SKUPŠTINA SINDIKATA
N/r predsjednice g-đice Eveline Jekalović

PREDMET: Izvještaj o radu SINDIKATA PSFUP za period 01.01.2023. god.
do 31.12.2023. god., d o s t a v l j a s e :-

Pregled najznačajniji aktivnosti u radu Sindikata :

- Sindikat u izvještajnom periodu putem ugovorne agencije za knjigovodstvo PRIMA COMERCE d.o.o, izvršava obaveze vezane za knjigovodstvo. Za usluge Prima Commerce d.o.o na mjesečnom nivou izdvaja se 150,00 KM. Obzirom da nije bilo primjedbi u smislu ugovornih odredbi i samog izvršavanja poslova, Ugovor se nastavlja i u 2024. godini.

USLUGA	KOLIČINA	IZNOS	UKUPNO
Naknada za vođenje knjigovodstva	12	150,00 KM	1800,00
Podnošenje godišnjeg finansijskog izvještaja	1	150,00 KM	150,00 KM
Taksa za finansijski izvještaj	1	75,00 KM	75,00 KM
UKUPNO			2025,00 KM

- Sindikat je osigurao finansijsku pomoć članovima Sindikata u 29 slučajeva za koju svrhu je utrošeno 11700.00 KM, plus troškovi provizije banke na ime uplata / transakcija. Pregled realizacije zahtijeva za finansijsku pomoć slijedi :

VRSTA FINANSIJSKE POMOĆI	BROJ : REALIZOVANIH	ODOBREN IZNOS U KM	UKUPNI IZNOS U KM
ROĐENJE DJETETA	13	300	3900
SMRT ČLANA	1	1000	1000
SMRT RODITELJA	8	400	3200
BOLEST RODITELJA	3	400	1200
BOLEST SUPRUŽNIKA	3	800	2400
NEOSNOVAN ZAHTJEV	1	0	0
UKUPNO	29		11700 KM

Sve finansijske pomoći su dodijeljene u skladu sa Pravilnikom o korištenju finansijskih sredstava udruženja Sindikat PSFUP-e za finansijsku i materijalnu pomoć članstvu.

- Sindikat je sklopio ugovor sa advokatom Arnaut Benjaminom, putem kojeg se ostvaruje pravna i savjetodavna pomoć upravljačkih struktura Udruženja i članova, za što se na mjesečnom nivou izdvaja 450,00 KM. Obzirom da nije bilo primjedbi u smislu ugovornih odredbi i samog izvršavanja poslova, Ugovor se nastavlja i u 2024. godini. O aktivnostima advokata za 2023. godinu, imenovani je dostavio izvještaj koji se u cjelosti slaže sa evidencijama sindikata. Izvještaj advokata Arnaut Benjaminova zaveden u knjigama sindikata pod brojem S-92/23 i sastavni je dio ovog izvještaja, te se dostavlja se u prilogu ovog izvještaja. Sve aktivnosti vezane za pravnu pomoć su regulisane i vođene u skladu sa Pravilnikom o pružanju pravne pomoći.

USLUGA	KOLIČINA	IZNOS	UKUPNO
Pravna pomoć	12	450,00 KM	5400,00 KM

- Sindikat je uspostavio web. stranicu www.spsfup.ba. Za izradu stranice putem ugovora o djelu angažovan je Mario Lozančić. Domena za stranicu je plaćena do decembra 2024. godine. Prema povratnim informacijama može se zaključiti da je stranica ispravan „projekat“, te da olakšava razmjenu informacija i provedbenih propisa sa članstvom. Pored zvanične web. stranice sindikat u svom radu koristi i fcb. stranicu Sindikat Ps Fup, koja se redovno ažurira sa novostima u radu sindikata, i bilježi se velika posjećenost stranice.

USLUGA	KOLIČINA	IZNOS	UKUPNO
Izrada stranice	1	450,00 KM	450,00 KM
Domena za 2023. g.	1	60,00 KM	60,00 KM
Domena za 2024. g.	1	70,00 KM	70,00 KM
Porezi i doprinosi na ugovor occ.	1	120,00 KM	120,00 KM
UKUPNO			700,00 KM

- Dana 09.02.2023. godine Sindikat je uzeo učešće u obilježavanju dana pogibije policijskog službenika Mahira Begića, polaganjem vijenca na spomen obilježju.

USLUGA	KOLIČINA	IZNOS	UKUPNO
Vijenac	1	100,00 KM	100,00 KM

- Sindikat je podržao uščešće naših članova u aktivnostima obilježavanja godišnjice stradanja u Srebrenici, na način da je trojici članova participirao troškove u visini od po 100,00 KM. Odluka broj : 79/23 od 07.07.2023. godine dostavljena u prilogu izvještaja.

USLUGA	KOLIČINA	IZNOS	UKUPNO
Participiranje troškova	3	100,00	300,00 KM

- Sindikat je uspostavio blagajnu Sindikata, istu u elektronskoj formi vodi ugovorna knjigovodstvena agencija Prima Comerce d.o.o. a pomoćnu evidenciju vodi predsjednik Upravnog odbora kod kojeg su i deponovani novci blagajne. U prilogu Odluke o blagajni broj : 8/23 od 06.02.2023. godine i Odluka 136/23 od 15.11.023. godine, koje dostavljamo u prilogu izvještaja.
- Sindikat je obilježio Dan žena - 8. mart i tom prilikom, članicama je uručen poklon u vrijednosti od 50,00 KM. Odluka broj : 29/23 od 03.03.2023. godina dostavljena u prilogu izvještaja.

USLUGA	KOLIČINA	IZNOS	UKUPNO
Poklon vaučer CM	27	50,00 KM	1350,00 KM

- Sindikat je izvršio nabavku promo materijala u smislu reprezentacije sindikata, te je poklon paket uručen svakom članu sindikata, a sastojao se od (kesa, šolja, rokovnik, privjesak, stiker, miris za vozilo – sve sa logom sindikata). Određen broj stolnih zastavica, mirisa za vozilo, poklon paketa, majica sa logom sindikata je namijenjen za podjelu budućem članstvu, poslovnim partnerima, prijateljima sindikata i sl. Odluka broj : 107/23 od 06.09.2023. godine, dostavljena u prilogu izvještaja.

USLUGA	KOLIČINA	IZNOS	UKUPNO
Poklon paket	270	18,403 KM	4969,11 KM
Majica kratki rukav sa logom	30	11,50 KM	345,15 KM
Stolna zastavica sa logom	50	6,435 KM	321,75 KM
Miris za auto sa logom	100	1,4625 KM	146,25 KM
UKUPNO			5782,26 KM

- Sindikat je svim članovima obezbijedio i distribuirao Premium kartice, benifitna kartica Plave poliklinike. Plava poliklinika je ugovorni partner sindikata.
- Sindikat PSFUP je u mjesecu junu primljen u Savez Sindikata policije i uposlenika u Ministarstvima unutrašnjih poslova FBiH, tako smo postali reprezentativan sindikat za područje djelatnosti javnog reda i sigurnosti na teritoriji FBiH. Mjesečna članarina za Savez je 3% od naše članarine i ista je izmirena za 2023. godinu. U prilogu Odluka broj : 20-6/23 od 02.06.2023. godine dostavlja se u prilogu izvještaja.

USLUGA	KOLIČINA	IZNOS	UKUPNO
Članarina Savezu	6	126,00 KM	756,00 KM

- Na osnovu Odluke Skupštine Sindikata izvršene su izmjene u Registru udruženja, izmjene se odnose na predsjednika skupštine.

USLUGA	KOLIČINA	IZNOS	UKUPNO
Izmjene u registru taksa	1	200,00 KM	200,00 KM
Objava u JPNIO	1	30,00 KM	30,00 KM
UKUPNO			230,00 KM

- Sindikat je donio Odluku da se izvrši kupovina plaketa sa logom sindikata što je i realizovano. Plakete su namijenjene kao poklon prije svega penzionisanim članovima Sindikata i zaslužnim pojedincima ili institucijama. U 2023. godini imamo osam članova koji su se penzionisali, a 12 plaketa će da ostane na zalihama. Kupovina 20 plaketa je bio min. uslov da bi proizvođač napravio alat za naš logo. Odluka broj : 142/23 od 16.11.2023. godine dostavlja se u prilogu izvještaja.

USLUGA	KOLIČINA	IZNOS	UKUPNO
Plaketa sindikata	20	111,15 KM	2223,00 KM

- Sindikat je u mjesecu novembru usvojio usvojio finansijski plan prihoda i rashoda Sindikata PSFUP za 2024. godinu. Plan broj : 145/23 od 16.11.2023. godine dostavlja se u prilogu izvještaja.
- 27.12.2023. godine sindikat je organizovao javnu panel diskusiju za upravljačka tijela Sindikata i članove Sindikata.
- Sindikat je organizovao podjelu novogodišnjih poklona za 108 djece članova sindikata rođene u periodu od 01.01.2013. godine zaključno sa 20.12.2023. godine. Tom prilikom je sklopljen i ugovor o djelu sa Sandrom Novak koja je realizovala aktivnosti vezane za organizaciju deda mraza, pomocnika i enterijera potrebnog za realizaciju podjele poklona. Odluka broj : 141/23 od 16.11.2023. godine dostavlja se u prilogu izvještaja.

USLUGA	KOLIČINA	IZNOS	UKUPNO
Paketići	108	15,00 KM	1620,00 KM
Vaučeri	108	50,00 KM	5400,00 KM
Deda mraz ugovor		450,00 KM	450,00 KM
Porez na ugovor		100,00 KM	100,00 KM
Dekoracija		102,00 KM	102,00 KM
Sokovi i slatkiši		87,15 KM	87,15 KM
UKUPNO			7759,15 KM

- Dana 26.07.2023. godine Vlada FBiH donijela je Zaključak broj : 994/2023 u kojem se prihvata inicijativa SPSFUP i Sindikata službenika FMUP za imenovanje Pregovaračkog tima za zaključivanje Kolektivnog ugovora. S tim u vezi vođeni su procesi po tom pitanju i SPSFUP zastupan Upravnim odborom u suradnji sa sindikalnim povjerenicima i članstvom sačinio je Nacrt kolektivnog ugovora koji bio osnov za pregovaranje. Međutim, zbog nerazumijevanja od strane partnera u pregovorima Sindikata službenika FMUP, nije postignut dogovor niti je usaglašen nacrt KU koji bi se proslijedio Pregovaračkom timu. S tim u vezi Pregovarački tim je zatvorio proces pregovora ocijenivši ih kao neuspjelim.

- Sindikat je podnio zahtjev za utvrđivanje reprezentativnosti kod poslodavca, dostavio je sve dokaze o ispunjenosti zakonskih preduslova, međutim do podnošenja ovog izvještaja naš zahtjev nije realizovan niti zvanično odbijen. Sindikat PS FUP poduzeo je više aktivnosti na vršenju „pritiska“ da se očekivano Rješenje o kućnoj reprezentativnosti donese. Očigledno je, da je odugovlačenje namjera poslodavca jer je kućna reprezentativnost-reprezentativnost kod poslodavca iskorištena kao osnov za dodjelu uloge pregovarača u izradi kolektivnog ugovora za zaposlene u FMUP i FUP-e .
- Dana 29.12.2023. godine Vlada FBiH je Zaključkom broj : 2070/23 otpočela novi proces pregovora za donošenje kolektivnog ugovora za uposlene u FMUP i FUP međutim Sindikat PS FUP-e nije određen za partnera u pregovorima. U vezi sa tim Sindikat PS FUP je poduzeo niz aktivnosti u pravcu izmjene Zaključka.
- U izvještajnom periodu SPSFUP zaprimio je 96 akata, a otpremljeno je 187 akata.
- Sindikat broji 235 članova i 8 članova penzionera za koje očekujemo njihovu potvrdu o produžetku članstva
- Upravni odbor sindikata je u izvještajnom periodu održao devet sjednica. Svi zaključci i odluke na sjednicama donesene su jednoglasno.
- Sindikat je putem članova Upravnog odbora uzeo učešće u radu skupštine Saveza sindikata policije i uposlenika u MUP u FBiH, a predsjednik Upravnog odbora Sindikata PS FUP prisustvovao je na 4 sjednice Upravnog odbora Saveza.
- Sindikat nije vršio isplate bilo koje vrste u smislu naknade za rad i obavljene poslove za članove upravljačkih struktura Sindikata i dalje je rad baziran na volonterskoj osnovi.

Finansijski izvještaj za 2023. godinu.

- U prilogu izvještaja dostavljam bruto bilans Sindikata, prema kojem je priliv sredstava bio u iznosu od 53.760,99 KM , a rashod od 38.865,57 KM, što predstavlja da je razlika od 14.895,32 KM ostvareni prihod sindikata.
- U prilogu ostavljamo i KONTO KARTICE-BLAGAJNE u kojem je zabilježeno da je sa glavnog računa Sindikata u blagajnu Sindikata uplaćeno dva puta po 1000,00 KM, i trenutno stanje u blagajni na dan 31.12.2023. godine iznosi 1048,41 KM.
- Na dan 31.12.2023.godine na glavnom računu Sindikata raspoloživo je 17.711,65 KM.(prilog izvod broj 62 od 28.12.2023. godine).

Napominjemo da je prihod iz 2022.godine prenesen u 2023 godinu i pridodat prihodu iz 2023. godine, da u blagajni ima raspoloživo 1048,41 KM što predstavlja da na dan 31.12.2023. godine Sindikat ima raspoloživo **18.760,06 KM.**

- Sve zaprimljene fakture i računi do 31.12.2023. godine su blagovremno izmirene.
- U izvještaju nisu prikazani troškovi vođenja računa u banci i troškovi provizije banke po svakoj uplati.

U predmetnom izvještaju smo prikazali najznačajne aktivnosti Sindikata i najznačajnije finansijske stavke. Vezano za detaljan finansijski izvještaj dostavljen je BRUTO BILANS Sindikata PSFUP.

Upućujemo da se može izvršiti uvid u sve odluke, zapisnike, fakture, izvode sa računa i drugu dokumentaciju Sindikata.

S poštovanjem,

PRILOG :

- Kao u tekstu



PREDSJEDNIK UPRAVNOG ODBORA

[Signature]
Aldin Sinanović

ČLANOVI UPRAVNOG ODBORA :

[Signature: Hidurović Katica]
[Signature]
[Signature]



[Signature]
[Signature]
[Signature]